



FEDERALNO MINISTARSTVO RAZVOJA,
PODUZETNIŠTVA I OBRTA

SMJERNICE ZA UKLJUČIVANJE U PROJEKAT

za

Projekat broj 5

„Poticaj za opstanak tradicionalnih i starih obrta“

Maj, 2022.godine

Ciljevi projekta

Očuvanje obrtničke tradicije, kulturnog i historijskog naslijeđa poticanjem tradicionalnih i starih obrtničkih djelatnosti kroz sufinansiranje troškova nabavke opreme i repromaterijala, poboljšanje uslova rada u radionici i obrazovanja i stručnog osposobljavanja zaposlenih.

Kriteriji za izbor korisnika sredstava:

<i>R/b</i>	<i>Kriterij</i>	<i>Način raspodjele bodova</i>	<i>bod</i>
1.	Namjena ulaganja sredstava	<i>Oprema</i>	25
		<i>Objekat</i>	20
		<i>Repromaterijal</i>	15
2.	Vrsta djelatnosti	<i>Područje C iz KD BiH 2010</i>	5
		<i>Ostala područja iz KD BiH 2010</i>	0
3.	Izvor/ način finansiranja - Predviđeno vlastito učešće obrta u ukupnoj vrijednosti projekta	<i>50,01 % ili više</i>	10
		<i>30,01 do 50 %</i>	8
		<i>20,01 do 30 %</i>	6
		<i>10,01 do 20 %</i>	3
		<i>do 10,00 %</i>	0
4.	Broj uposlenih	<i>3 i više uposlenih</i>	5
		<i>2 uposlena</i>	2
		<i>jedan uposleni</i>	0
5.	Pripadnost ciljnoj skupini	<i>Cilj. skupina žene</i>	4
		<i>Cilj. skupina mladi</i>	3
		<i>Cilj. skupina invalidi</i>	3
6.	Ravnomjerni regionalni razvoj /indeks razvijenosti JLS/	<i>Grupa V</i>	10
		<i>Grupa IV</i>	7
		<i>Grupa III</i>	4
		<i>Grupa II</i>	2
		<i>Grupa I</i>	0
7.	Poticaji od strane FMRPO-a u posljednjih 5 godina	<i>Nije bilo poticaja</i>	35
		<i>do 5.000,00 KM</i>	15
		<i>od 5.000,01 do 10.000,00 KM</i>	10
		<i>od 10.000,01 do 15.000,00 KM</i>	5
		<i>preko 15.000,00 KM</i>	0

Bodovanje se vrši na način prikazan u tabeli

Izbor korisnika grant sredstava vrši Komisija za odabir korisnika sredstava. Komisiju za odabir korisnika sredstava imenuje Federalni ministar razvoja, poduzetništva i obrta.

Zadatak Komisije je da u skladu sa odredbama Pravilnika o postupcima u provođenju Programa razvoja male privrede ("Službene novine Federacije BiH", br. 50/13, 55/13 i 86/13) i na osnovu propisanih kriterija (navedeni u gornjoj tabeli) iz Odluke o usvajanju Programa utroška sredstava tekućih transfera i Javnog konkursa, izvrši rangiranje korisnika grant sredstava. Ukoliko zahtijevana poticajna sredstva budu veća u odnosu na planirana, Ministarstvo će raspodjelu istih izvršiti u skladu s utvrđenom rang listom do utroška planiranih sredstava.

Korisnik sredstava će biti dužan pravdati trošak ukupnih sredstava predviđenih za realizaciju projekta, kako vlastitih tako i sredstava Ministarstva, sa odgovarajućom dokumentacijom datiranom poslije dana objave Javnog konkursa odnosno 06.05.2022.godine.

Za sva neopravdana sredstva FMRPO će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti Projekta.

Nakon obrade prispjelih prijava Ministarstvo će objaviti rezultate Javnog konkursa u "Službenim novinama Federacije BiH" i na internet stranici Ministarstva www.fmrpo.gov.ba, a podnosioci prijava se neće pojedinačno obavještavati

Korisnici sredstava

Obrtnici kojima je rješenje o registraciji donijelo nadležno općinsko/gradsko tijelo, a koji obavljaju djelatnost u skladu s Uredbom o zaštiti tradicionalnih i starih obrta („Službene novine Federacije BiH", br. 66/09, 38/10 i 16/12) i koji su registrovani najkasnije do 31.12.2020. godine. Svi korisnici sredstava moraju imati sjedište na području Federacije BiH, te imati najmanje 1 (jednog) zaposlenog na neodređeno vrijeme.

Korisnici sredstava po „Uredbi o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19,, iz 2021.godine, imaju pravo aplicirati za dodjelu sredstava po ovom projektu.

Sadržaj prijave

Prijava mora obavezno sadržavati:

- I. **Pravilno popunjen Zahtjev za uključivanje u projekat** – elektronski popunjen
 - **Podaci o podnosiocu zahtjeva** - Popuniti sva polja u poglavlju

- II. **Pravilno popunjen Obrazac projekta**
 - **U poglavlju 1.** - *Sažetak projekta*, ukratko opisati elemente planiranog projekta, cilj i način na koji će on doprinijeti razvoju predmetnog obrta;
 - **U poglavlju 2.** – *Namjena utroška finansijskih sredstava* -
 - *Namjena utroška finansijskih sredstava – maximalan iznos koji se može tražiti od Ministarstva je 3.000 KM. Viši zahtjevani iznosi od max dozvoljenih, znače automatsko odbacivanje zahtjeva,*
 - *Podaci o nabavci opreme*, navesti tražene podatke za opremu koju namjeravate nabaviti, upisati iznose vrijednosti opreme i procenat učešća opreme u ukupnoj vrijednosti projekta,
 - *Podaci o ulaganju u objekat*, navesti tražene podatke za objekat u koji namjeravate ulagati, upisati iznose vrijednosti ulaganja i procenat učešća ulaganja u objekat u ukupnoj vrijednosti projekta,
 - *Podaci o nabavci repromaterijala*, navesti tražene podatke za repromaterijal koji namjeravate nabaviti, upisati iznose vrijednosti repromaterijala i procenat učešća repromaterijala u ukupnoj vrijednosti projekta,

- Učešće u realizaciji projekta, upisati koliki iznos se finansira vlastitim sredstvima, a koliki sredstvima ministarstva. Isto to upisati i u procentualnom iznosu. Ukupan iznos sredstava za finansiranje projekta mora biti jednak zbiru prethodnih 3 tabele u Poglavlju 2, i kompletan iznos se pravda prilikom podnošenja izvještaja o realizaciji projekta;
- **Napomena:** Izbor korisnika vršit će se isključivo na osnovu šifre djelatnosti iz Obavijesti o razvrstavanju poslovnog subjekta prema djelatnosti koju izdaje Zavod za statistiku, KD BiH 2010:
- **U poglavlju 3.** – *Period implementacije* projekta, naveden je vremenski period u kojem će se projekat realizovati - 6 mjeseci.

Na kraju dokumenta obavezno navesti mjesto, datum i potpis odgovorne osobe, te staviti otisak pečata obrta.

1. Potrebna dokumentacija

- Rješenje o registraciji od nadležnog općinskog organa, usklađeno sa Zakonom o obrtu i srodnim djelatnostima ("Službene novine Federacije BiH", br.: 35/09 i 42/11) ili Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ br: 75/21) i Uredbom o zaštiti tradicionalnih i starih obrta ("Službene novine Federacije BiH", br. 66/09; 38/10 i 16/12) ili Uredbom o zaštiti tradicionalnih i starih obrta ("Službene novine Federacije BiH", br. 28/22),
- Uvjerenje o poreznoj registraciji (ID broj),
- Obavijest o razvrstavanju subjekta prema klasifikaciji djelatnosti (Zavod za statistiku, KD BiH 2010),
- Uvjerenje od Porezne uprave Federacije BiH o izmirenim obavezama po osnovu poreza i doprinosa, **sa brojem ili listom osiguranih osoba za obveznika,**
- Uvjerenje o izmirenim obavezama po osnovu PDV-a (ukoliko je PDV obveznik),
- Specifikacija za utvrđivanje dohotka od samostalne djelatnosti (Obrazac SPR-1053) za 2021.godinu ili Rješenje o plaćanju poreza u paušalnom iznosu,
- Potvrdu o prebivalištu za vlasnika obrta (CIPS),
- Uvjerenje o invalidnosti od nadležnog organa (ukoliko je vlasnik invalid),
- Izjava o realizaciji projekta (I - 1),
- Izjava o neosuđivanosti i nevođenju postupka po osnovu privrednog kriminala (I - 2)
- Izjava o nesudjelovanju u koruptivnim radnjama (I – 3),
- Izjava o korištenim pomoćima male vrijednosti (I - 4).

Navedenu dokumentaciju potrebno je priložiti uz Zahtjev za uključivanje u projekat - obrazac projekta, složenu po datom redosljedu.

Svi dokumenti trebaju biti izdanti od strane nadležnih organa. Priloženi dokumenti ne smiju biti starija od 3 (tri) mjeseca od dana objavljivanja Javnog konkursa u "Službenim novinama Federacije BiH", izuzev rješenja o registraciji, uvjerenja o poreznoj registraciji, obavijesti o razvrstavanju subjekata prema klasifikaciji djelatnosti, Obrasca SPR-1053 odnosno rješenja o plaćanju poreza u paušalnom iznosu. Sve priložene kopije dokumenata trebaju biti ovjerene od strane nadležnih organa ovjerom ne starijom od 3 (tri) mjeseca od dana objavljivanja Javnog konkursa u "Službenim novinama Federacije BiH".

2. Obrasci izjava

Sve Izjave sa tekstom koje je sačinilo ovo ministarstvo trebaju biti čitko popunjene i potpisane od strane odgovorne osobe – podnosioca zahtjeva.

Izjava I-1 i Izjava I-4 trebaju biti ovjerene pečatom firme.

Izjava I-2 i Izjava I-3 trebaju biti ovjerene od strane nadležnih upravnih organa ili notara.

Način podnošenja prijave

Prijave sa odgovarajućom dokumentacijom, šalju se preporučeno poštom u zapečaćenim kovertama na adresu:

**Federalno ministarstvo razvoja, poduzetništva i obrta
dr. Ante Starčevića bb (Hotel „Ero“) 88000 Mostar,
Ne otvarati – po Javnom konkursu za Projekat br. 5**

Na poleđini koverta obavezno navesti:

- **naziv–ime podnosioca prijave;**
- **adresu i kontakt telefon;**
- **ovjeriti pečatom podnosioca prijave.**

Prijave se dostavljaju zaključno sa 31.05.2022.godine (utorak) odnosno prihvatit će se prijave koje imaju poštanski pečat najkasnije sa navedenim datumom.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove ovog Javnog konkursa,

Pravo učestvovanja

Korisnici poticajnih sredstava koji do završetka ovog Javnog konkursa nisu izvršili svoje ranije preuzete obaveze po osnovu korištenja poticajnih sredstava Ministarstva, nemaju pravo učestvovanja na ovom Javnom konkursu odnosno njihove prijave se neće uzeti u razmatranje.

Pravo na učešće i dodjelu finansijskih sredstava se može ostvariti samo po jednom Javnom konkursu koji raspisuje ovo ministarstvo u tekućoj godini (kredit ili grant).

Podnosioci prijava mogu podnijeti prijavu samo po jednom projektu iz ovog Javnog konkursa. U slučaju više prijava istog podnosioca po istom ili različitim projektima sve prijave će biti odbačene i neće biti predmet daljeg razmatranja.

Nisu prihvatljive prijave subjekata male privrede koji imaju registrovanu djelatnost u oblasti namjenske industrije, proizvodnje i prerade duhana i igara na sreću.

Napomena

Obavezno je zadržati broj uposlenih radnika do trenutka podnošenja izvještaja o realizaciji utroška dodijeljenih finansijskih sredstava, što se dokazuje Uvjerenjem od Porezne uprave Federacije BiH o izmirenim obavezama po osnovu poreza i doprinosa, sa brojem ili popisom osiguranih osoba.

Sa podnosiocima prihvaćenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Podnosioci prijava čije se prijave odbace, mogu uložiti prigovor Ministarstvu u roku od osam dana od dana objave rezultata Javnog konkursa u "Službenim novinama Federacije BiH", radi provjere činjenica i objektivnosti ocjene aplikacije.

Sve dodatne informacije vezane za ovaj Javni konkurs mogu se dobiti isključivo putem elektronske pošte, najkasnije 7 dana prije isteka roka za podnošenje prijava na adresi: grant2022@fmrpo.gov.ba